

DE EPILEPSIA, SEV MORBO
comitiali,

Assertiones Medicæ.

Has,

Patrocinio

AETERNI BENIGNI QVE NYMINIS:

Præsidio

EXCELLENTISS.

VIRI, D. ANDREÆ PLANERI,
ATHESINI: DOCTORIS ET PROFESSO-
ris Medici ac Philosophi, in nobiliss. Tubing. Academia,
acutiss. celebratiss. que: Domini & Præceptoris sui, om-
nis pietatis officiorumq; honore perpetuo, reverenter,
sincerè atq; obsequentiss. observandi: pro in-
genij mediocritate, tuendo appro-
bare tentabit:

IOHANNES FABRI, TVBINGANVS.

In Auditor. Medico, horis consuetis, 22. April.
DEO dante, conclusa disputabuntur.



Tubinga, per Alexandrum Hoggium, 1592.

Ornatiss. & doctiss. D. M. Johan.

REVERENTIA PIA, IVDICIIQVE
PRAESTANTIS GRAVITATE SPECTATISS:
Viro, D. M. Ioanni Humelio, inclytæ Canstattanorum
ciuitatis, sacro Antistiti impigro: eiusdem Præfecturæ Ec-
clesiarum, Præfidi speciali acerrimo diligentissq; : Patri suo
semper honorandissimo. Similiter, Reverendis, vitæ inte-
gritate, & eruditione præclarâ, venerandis præstantissq;
Viris: D. M. Iohanni VVeiningero, VVylanorum Pasto-
ri vigilantissimo: diœceseos vicinæ, speciali Superinten-
denti summo atq; laboriosiss: D. M. Martino VVa-
gnero, Aschingensium Parocho sacerrimo ac fidelissimo:
D. M. Iacobo Mûlichio, Verb. D. apud Dalffinganos, pu-
riss. assiduoq; Præconi: D. M. Iacobo Bavvhofio, Mona-
sterji Suevorum, Sacrorum Prædicatori graviss. & peri-
tissimo: Cognato, & Affinib. suis, amore caris-
simo, obseruantia perpetua, officioq;
frequenti colendis.

S. P. D.

Ioannes Fabri.



*Quam Anima Corpusq; nostrum, Viri Reue-
rendi, consensus affectione mutua arctè te-
neri, sensus docent: tam profectò, S. Theo-
logiam, cum Iatrologia diuina, iucundis
concordia modulis concinere, intelligitur.
Illius namq; si primodia quæras: cum hac es-
se eadem, annue^s. Equidem, ut furens ille Draco, Agyrtarum
Circulatorumq; progeniei vitiosissima, nugacissimus Parens,
sub malo aureo, dulce venenum, insolenti promissorum ia-
ctantia verborumq;, ancupio fraudulenter tegens: Primo-
rum mortalium mentes, euentus blanditijs, concupiscentiaq;
cæcæ illecebris, redditas improvidas, cepit: errandi febricu-
lam ardentiss: cum corporis suo quia inspirando, sanctita-
tem*

sem credulis expugnauit. Ne profundissima Theologie Mi-
 crotechnen quandam, cum Thessalo, Iatronice ridiculo, (dig-
 na communitatum Parente soboles) impostor perfidè com-
 mentus est. Ille dies, primus lethi primusq; malorum, causa
 fuit. Idcirco, spem hominum salutis conclamatam. Μοῖρα τῆ
 βίης in Politiam Corporis introductam, mox edictum sacra-
 tiss: dictitabat. Sed o gaudium inexpectatū. Iuuaans ille solus,
 misericordie nominatiss: Pater, maiora moliri, agriq; ani-
 mi praefecturam Theologo: Corporis iam egrescentis, Medico.
 Sapientiā illustri assignare voluit. En utriusq; Scientiae uti-
 litas, Dei inuentioni primae simul cōsecratur: per hunc, canit
 ille, concordant Medica Sacris. Methodo, opera artis, eadē
 exercent. Etenim, Animulam citò, tutò & iucundè, conser-
 uant, fouēt sanantq;, aternitatis arcanorum Mystæ sinceri.
 corpusculū fragile, itidem tuentur, firmāt eurantq;, Natura
 omni parentis Ministri, vatesq; Asclepiadae. Ambobus etiā
 suum, ad omnia ἐνοχλῶντα, condidit Iatron, Iatrologus
 term maximus. Certè, Sacrorum illam officinam instructiss:
 apparans: vivum satisq; storentibus amœnum, diuinitatis
 occulta hortulum, in Animæ usum construxit. Hic deleteria,
 hic antidota, hic expertiss: fidei pharmaca: hic Verbum sal-
 vificum, remedium polychrestum gratis, petentibus prostat.
 Et talia Medico, Hygiea, & Iasô, fido comitatu presentis-
 bus, suppetunt. Sanitate periclitari occipiente, celeres illos
 atq; fideles, Animæ Corporisq; custodes, languiduli, ad intem-
 periem, extus intusue afflatam amolliendam, ex templo con-
 vocantes: utriusq; certa medicamina poscunt. Idq; perquam
 pie. Non .n. multorum more peruerso, postquam mortalia
 seruant tentamenta nihil, nihil artes serò medentū posse,
 diuam modo expectant Medicinam: omnem salutem, saluā
 scientiarū immutabilum auctoritate persistente suapte cul-


pā. æternum deperdentes. Verum hæc Auzodius magis raptōq; stylo pervolitavi. Nam & nasum habentium curiosus ritus: & consuetudinis in hoc scriptiōis genere sancita antiquitas, cursum iuvenilem interceptū, aliorum detorque-
re vel restitantes stimulant. Quorsum? Cernitis, opinor, Viri eruditissimi, vel metacente, argutiss: oculis vestris: sacer-
rimi vestri maneris, cum Iatrice saluberrima, indissolubi-
lem consortionis amicitiam. Cernitis, si nulla cognationis no-
stræ iura cogerent: vel solam hanc, quam alibi Galenus, veri-
sagacissimus, ampliss: laudat, ἀνδρογυνωγὰς harmoniam:
opusculi huius elaboratissimi, reuerendis splendidisq; nomi-
nib. vestris oblationem, suadere posse. Animi huncce fetū
absolutissimum, Viri φιλοσοφῶντες τε καὶ ἰατρικῶντες, Pro-
gymnasmatismei Prostate fortissimi, nobile verè ad cogi-
tandum ingenium, nullo exemplo concipiens, peperit.

Hic quam rimatur, ægritudo, ut Cerebrum, viscus, sic
Plinius, excelsiss. Caloq; proximum, ubi sensuum arx: ubi
Mentis est regimen, comprehendens agitantq;, furis crude-
libus, periodicè torquet: ita cæcum, causisq; suis obuelatum
in primis malum esse, non nisi cerebrosi negant. Addunt
& diuinum. Sed molle nimium hoc & ad libidinem effi-
ctum est vocabulum. Hoc etenim nomine Maiores nostri
Comitiales, per Cimmerias tenebras Delphos petiēre. Sed
quid anus illa Pythia? Ea, ut mos fert, Sibyllina sua my-
steria pandens, ambigua detonare, permagna Lunaticis, e-
Orci afflatu, mali absolutoria fundere. Hinc sūptuose ca-
dentū mitiones: hinc religionis despicientia: hinc Anima-
rum cum Hercule perpetuitas. Quid amuleta & periapti-
dicam? quid alia, superstitione anili carminumq; iucanti-
mentis plena sexcenta? Augustiss sc. Medicorum sacrarium
miseris illis obserantes sacrilegi: pulchros ex Monopolio isti
quæsticulos, sibi surgere gestiebant. Nobis verò, sit grat.

Deo, ut de alijs innumeris *Natura*, sacro complura inuolu-
cro celantis, problematibus: sic & hoc, eiusdem lasciuie Ae-
nigmate, multa multi doctaq; responsa ferendo, miros se Oe-
dipodas præstitisse video. Sed hoc, quod de morbo *Sacro*
iam editur oraculum, Gordium illum nodum enodatus &
subtilius dissoluisse: rotunda hypotypôsi (absit vero & can-
dido inuidia verbo.) subtiliss. illius secreta effinxisse, do-
ctiss. quig; omnis liuoris cecutiei liberi, ferunt. Quin & il-
lud. *Rationum*, ex ingenij proprijs thesauris subductarum,
atq; cum *parvorum* affabre consentientium momentosa mo-
le: conclusorum veritatem analyticè & (ut alia præclara
notiss. suæ scientiæ documenta) inconcussa stabilitate fix-
isse. Artis nostræ sacros Opifices, sua maneat, licet, cum alijs
in campis *Pæonijs* venantibus, plurimaq; subodorantibus,
emerita gloriæ seges: sint illis, absolutiora scribendi copiam
dantibus, gratiæ, iuxta diuini Philosophi statutum, relatæ
ingentes: sit deniq; veriora monstraturo, auctoritas summa.
Quid ergo? Nunquid, Viri Reuerendi, sacerdotesq; sum-
mi, egregia vobis dicatur *Syntaxis Medica*? Verum, tecum
nunc mihi, Pater carissime, cui me mea q; omnia debeo, res sit.
Felicis eos semper, quibus per fortunæ clementiam, parem
vel paululum inferiorem gratiam, benefactorib. suis referre
licet, iudicavi. Quum verò vitæ meæ, jam quam dego, te-
nuitas, nil suggerere possit: attamen, quæ tandem officij debi-
ti vicissitudine, R. T. summorum in benefaciendo monu-
mentorum auctrici locupletiss: obuiari queam, hætenus an-
xiè circumspexi. Mola salsa, dicunt, thura non habens, lita-
re nolui. Quærendo a: lassus, & quod tuis meritis immor-
talibus vel tantillum respondere diceretur, inveniendo, ani-
mum despondens: nouiss. Mens sollicita, consilium languenti
inhalare visa est, Plebeios & pauperculos, creditorib. suis fi-


dem datam soluere desperantes imitari: hanc temporis conditionem ducere pulchrum. Hos enim, memorabat, ultro creditorib: placidis, sponsores certos adducere.

Placuisse dicta. Igitur pauculas quidem hasce, sed fide amplissimas, Medicarum assertionum paginulas: fidei mea pietatisq; debitum, suâ fide periculoq; (id quod pium numen avertat) suo sustinentes, tibi, Pater amande, tandiu trado: quoad beneficijs tuis debita soluere, quoquo modo potis ero. Quod superest, vos, Viri reuerendi, ornatiss: q;, gracilem quem aspicitis, at operosum libellum gymnasticum, vestre æquanimittatis studio ardenti rectiss: q;, mecum suspiciatis & foueatis, summoperè rogo. Dein, captos meos, in Medicina labores, vestrâ, ut facitis, subleuare pergite beneuolentiâ, quaeso: omnem pietatis, obseruantia amorisq; cultum perpetuum sanctè repromitto. Memoratorû verò, Venerande & doctiss: M. Bauuhosi, officiorum promptitudinem: præter affinitatis stimulos, Soceritui p. m. Viri de Ecclesia meritiss: Vitrici mei optimi, dulcis Parentis solatiij, magnus, certè, erga me juniorem amor, fides, Manesq; sancti jubent urgentq;. Tandem, Viri præstantiss: vos, sacrosancti Archiatri, ~~maximè~~ es atq; vniuersæ Parentis vnius, curæ ac tutela, pijs votis committo. Valete multum & feliciter. Scripsi Tubinga, Anno Epochæ humanæ, CIOIO XCII. 4. Id. April.



De Epilepsia, seu morbo Comitali,

QV AEST IO.



Verum Epilepsia, morbus sit Cerebri similis, à prauo quodam & corrupto vapore, vel ejusdem naturæ, qualitate, vel in ipso primitus excitata, vel aliunde adueniente, dependens: quæ Cerebri, ejusq; Spirituum substantiam, sic grauitè P. N. alteret: vt instrumentum, amplius principalium & αἰσθητικῶν ἐνέργειῶν esse non possit: & interim, in Neruorum quoq; origines subito diffusa, practicas & motrices ἐνέργειας, per intervalla, simul vitiet & deprauet.

Thema primum.

1. Præclarè scribit Aristot. in Meteôris; in rebus abstrusis, quæ sensu nullo modo possunt percipi, satis esse, si tales causæ adferantur; quibus probabile sit, tales effectus produci; & quæ nulla instantia veriore refelli & refutari possint. Et alibi, lib. nimir. .I. d. hist. Anim. scribit: Physicum, quem admodum & Astronomum, debere considerare & contemplari τὰ φαινόμενα, ac semper tales assignare causas, quæ cum φαινόμενις consentiant: & horum rationes, ex illis resolui commodè & depromi queant.

2. Hoc ipsum, in inquisitione causæ conjunctæ Epilepsiæ, quam modò expressimus sc. obseruandum nobis est. Nam quia causa illa, Epilepsiam continens, etiam sensu aliquo peruestigari nequit, ideò talem attulimus, cui verè contradici non potest. Et interim probabile est, tali causa, quam nos attulimus, Epilepsiam procreari. Sicuti hoc ex seqq. quas adferemus, rationibus, perspicuum satis manifestumq; euadet.

3 Nam primò videmus, etiam vaporibus & odoribus rerum externarum, subito paroxysmos Epilepticos commoueri & cieri: aliarum. a, contra rerum odoribus & vaporibus

De Epilepsia.

fisti ac prohiberi. Sic Apio proprietas est, comouendi Epilepsiam: sic etiam suffumigatio cum galbano & myrrha, & cornu caprino: odore item hepatis hirci, & cum ponitur myrrha in nare ejus, Epilepsia cietur. Sed eam tollunt & curant, odor rutæ, & alia non nulla appropriata, à Practicis passim descripta. Quoniam nimir. hæc, tetrum vaporem, aut malignam qualitatem, quæ Epilepsiam excitauit, subito discutiunt aut corrigunt: illa verò, vel delitescentem alicubi corruptum vaporem, aut prauam qualitatem, derepentè excitant, & de potentia ad actum transferunt.

4. Quo verisimile certè fit, talibus quoq; internis causis Epilepsias prognerari. Siquidem ad effectum producendum nihil refert, siue extra, siue intra corpus constituta sit causa illa, quæ talè effectū producendi vim habet, modò asit, subiecti suscipientis habilitas & dispositio, cum qua, remotis alijs etiam impedimentis. conjungatur causæ mouentis contactus conueniens. Et aliàs etiam, sæpè ex iuuuantibus aut lædentibus, non solum naturales partiū Crasæ: sed etiam morbidas dyscrasias, earumq; causas, deprehendunt & agnoscunt Medici.

5. Et quod vapor talis, in origines Neruorum penetrans, motibus *παλμώδεσι* membra vibret in Epilepticis: patet ex eo, quod alioqui in particularibus spasmodis, vapores inclusi palmarum sint causa: & ex materia spiritali, veros quoq; spasmos exoriri, nemo ignorat. Quin etiam, contorsionibus oculorum in Epilepticis, neruos & musculos oculorum vapore illo repleti manifestum est. Vapore. a. & spiritu, ut nihil penetrabilius, ita nihil quidquam mobilius videtur esse; vel ipso etiam Arist. in Meteōris teste.

6 Confirmant hanc nostram, de causa continente Epilepsiam sententiam, diuersi affectus animi, quibus subito ipsa nonnunquam oboritur: eiusmodi sunt, terror, iracundia, & immodica Aenus. Prioribus nanq; duobus, quia subito calor, spiritusq; vel introrsum, vel extrorsum ruunt & feruntur

Theses.

feruntur in cōcitata ista mōtione, vel prauī, qui antea in partibus alicubi deliteſcebant, vapores, ad cerebrum & Neros decurrunt: vel ex ipſis humoribus, in corpore præſertim *κακοχῦμα*, exſuſcitantur derepente, prauī crudiq; ſpiritus & Hatus: qui ſimiliter ad cerebrum delati, Epilepticum mouere poſſunt *πᾶθος*. Immodico a: veneris uſu, cum animalis Spiritus in Cerebro refrigeratur; tam ſimili ratione, ex fuſione & colliquefactione quaſi humorum, tetri ac virulenti flatus eleuari quandoq; & cieri ſolent: quib. ſimiliter Epileptica exoriuntur Symptomata.

7. Et cum aliorum quoq; Affectuum, quoad modò per *ἰδίω πᾶθειαν*, modò per *συμπᾶθειαν* exiſtunt, eadem ſpecie ſint cauſæ: qua ratione videmus, idem ſuffuſionis ſymptōma in oculis, cauſari à craſſis vaporibus, circa tunicam uveam concretis: ſiue i; in Cerebro primùm conſiſtant, ſiue ex Ventriculo ſint eleuati: Epilepſiam verò per conſenſum, vapore quodā, aut qualitate aliena, à parte primò affecta, ad Cerebrum aſcendente concitari, ex Galenicis hitorijs ſit maniſeſtum: rationi certè conſentaneum eſt: primo- geniam quoq; Epilepſiam, à vapore tetro, aut qualitate aliqua aliena, Cerebri & Spirituum ejus craſi infeſta & inimica, procreari.

8. Quaquā a: vapor, & aliena illa qualitas, res & cauſæ ſint ſpecie diſcrepantes: tamen unum eundemq; effectum, Epilepticum puta *πᾶθος*, producere poſſunt: quatenus nimir. in uno quodam tertio conveniunt, gratia cujus, vel natiuum Cerebri ſpirituumq; calorem obtundere & ſtupefacere: vel craſim eorum diſſoluere & perturbare: aut certè ſubſtantia ſubitò extenuare nimis, aut increſſare p. n. poſſunt. His enim omnibus modis, ſigillatim inhabiles reduntur ipſi ſpiritus Animales, ad mōtiones & impreſſiones ſpecierum ſenſilium recipiendas & conſeruandas.

9. Nam, ſi qualitas illa, aut vapor frigiditate excedat, ſenſio nulla excitari poteſt. Cum ſine calore, nihil ſit *αἰσθητικόν*

De Epilepsia.

Et quomodo, frigus primas teneat in prosterneendis *ἐν-
γυαῖς* animalibus, copiosè Gal. lib. 1. d. ca. sympt. 3. d.
1. a. f. docet. Sin qualitas illa, vaporùe, spirituum Animalium
crasin dissoluat; tam instrumentum illi amplius, anima-
lium actionum, esse nequeunt, quam videm⁹, aliarum quoq;
partium actiones diminui, aut prorsus etiam aboleri, si na-
turales earum crases, quæ principales sc. sunt, *ἐνγυαῖς* illa-
rum causæ, perturbatæ & dissolutæ fuerint.

10. Neq; hîc aliqua est differentia, siue qualitas illa, va-
porùe, ratione primarum aut secundatur notarum qualita-
tum, siue abstrusarum, addo etiam malignarum & venena-
tarum facultate, vel violentia potius, naturalem Spirituum
Cerebri crasin perimat, & perturbet. Nisi quod, quò ma-
jore, ad dissoluendam Spirituum crasin, qualitas illa vapor-
ùe, vi pollet: eò citius & celerius Epileptica apparent symp-
tomata.

11. Sicuti a: cùm vapor, tum qualitas aliena, Crasin Spi-
rituum animalium perturbando, Epilepsiam inducunt: ita
quoq; hoc præstare possunt, si singula illa, materiam & sub-
stantiam Spirituum animalium subitò dissipare & extenu-
are, aut condensare & contrahere p. n. possunt. Cum hac
ratione, etiam recipi, nec conseruari species motionesq; re-
rum sensilium, in spiritibus illis valeant. Atq; in hoc etiam
genere, alia alijs valentiora sunt, alia remissiora: & in qui-
busdam manifesta est quædam & evidens qualitas, in alijs
autem latens & abstrusa: in utrisq; *ἐνδύα* aut *κακόνδυα*
dominatur.

12. Neq; præter tria jam à nob. commemorata: sub-
stantiæ, puta, Spirituum animalium extenuationem aut in-
crassationem nimiam: caloris nati vi attritionem & stupefa-
ctionem: & crases dissolutionem ac perturbationem: ali-
quid videtur esse, quod spiritus animales inhabiles reddere
possit, quò minus conveniens amplius sint principalium &
κρίνη τικῶν ἐνγυαῖς, instrumentum. Sed quæcunq; aliàs infec-

Ita & inimica Cerebro, & spiritibus esse dicuntur, ad unam aliquam harum classem, referri possunt & debent: tametsi in singulis his tribus, magna sit causarum varietas & latitudo.

13. Sed neq; tria illa capita sic comparata sunt, ut ad unū aliquod ceu primum principium revocari possint. Sicuti quidam asserunt: omnis Epilepsiae causam esse qualitatem solū in vaporemq; frigidum, qui Cerebrum & Spiritus ejus animales stupefaciat & obtundat. Nam etiamsi, aliās in debilitando & diminuendo *invegyias* animalib.; præ alijs qualitib. notis, primum teneat ipsum frigus: autore Galeno: tamen nihil certè verat, quominus reliquis duobus generib. causarum, suum etiam relinquamus locum: cum sic etiam aliarum partium *invegyias* perimi, & ipsarum substantiam corrumpi contingat.

14. Et quanquam nullum horum, sine altero perfectè consistere possit: nihilominus tamen primo alicui, motionis est acceptum ferendum principium. Ut si lædens & nocens causa, sive externa jam sit, sive interna, vel primò stupefaciat calorem nativum, ad quod reliquorum sequitur destructio: vel primò Crasin dissolvat, cui comes quoq; adjungitur, caloris attritio, & materiae p. n. dispositio. Sicuti quoq; dari possunt, quæ hanc primò depopulantur: reliquis .a. duobus, secundario & ex consequente detrimentum adferentibus.

15. Quando dicimus, vaporem tetrum, aut qualitatem alienam, sigillatim spiritus Animales sic p. n. alterare & afficere posse, ut habiles amplius nō sint, *invegyias* animalib. obeundis: accipi hoc & intelligi volumus, non de totali destructione Craseos Spirituum animalium, & multò minus Cerebri; ad quam non sequitur Epilepsia, sed mors: verum de tali, qua, discussa & remota causa illa p. n. sive qualitas sit, sive spiritus & vapor: rursus *invegyias* suas præstare animales illi Spiritus possunt. sicuti hoc etiam, finitis solutisq; Epilepticorum paroxysmis, fieri contingit.

16. Est porro diffusionis hujus, qua sc: vel vapor pravus, vel aliena qualitas, in origines Nervorum, & spinalem medullam fertur, ut ita subito membrorum depraventur motus: ratio eadem cum hac, qua ex partibus, longè saepe remotis & distantibus à Cerebro, qualitas, vaporve malignus, ad ipsum elevatur & ascendit Cerebrum: & ibi primum Spirituum alteratione facta, Epileptica inducit symptomata.

17. Nam vapor quidem spiritusve, tenuitate sua & mobilitate, celerrimè per corpus rarefactum, (quod aliàs secund. Hipp. est *συνωπνῆν ἢ συρῆν*) penetrare & deferri potest. Et quàm celeriter, ex subjecto corpore ad Cerebrum pervenit: tam citò quoq;, aliàs ex cerebri corpore & substantia, in origines Nervorum & spinalis medullæ distribui valet. Cum spiritus sit, ut tenuiss. ita mobiliss: & celerrimè omnia pervadere & penetrare soleat. Ac penetrando quidem sic, in origines Nervorum & spinalem medullam, depravatorum motuum fit causa: sin. a. interior tantum, in cerebri substantia, consistat, nec ex ea, propter quamcunq; tandem causam prohibentem, feratur: ratione hac abolitionem duntaxat, principum & sensitivarum, modò antea expositarum *ἐντρογιῶν*, inducit

18. De qualitatibus verò diffusionem, sive eam à subjecto corpore, ut à cruribus ad caput, deferri dicamus: sive exinde ad origines Nervorum & spinalem medullam, abstrusior quidem est ratio. Quod tamen & ea fiat per continuitatis alterationem, non solum Gal. 3. & 6. d. 1. aff. docet: sed exemplis etiam, ac *φαινόμενα* aliarum rerum, comprobari potest, Videmus namq; lumen splendoremq; Solis, subito & in momento, sese per aërem longissimè diffundere. Et quis ignoret, odores quoq;, qui qualitates sunt olfactiles, aliàs celerius, aliàs tardius, per aquam aut aërem continuū ferri, quoad qualitas illa planè evanescat. Eadem est & saporum ratio.

19. Atqui tactiles etiam qualitates, in corpore hominis, per alterationem continuitatis diffundi, docent Phlegmonæ, Erysipelata, gangrænæ, & aliæ partium intemperies: ubi à partibus καθ' ἑξῆς primò affectis, eæ transferuntur in alias, quæ κατὰ χεῖρ afficiantur. Et cum tactilium ejusmodi qualitatatum, non eadem sit efficacia & vis: sed quædam violentiores, aliæ remissiores: nihil vetat, quominus aliæ citius, aliæ tardius, per continuitatis alterationem, diffundantur: sic, ut reperire liceat aliquas qualitates, quæ subito & in momento, per totum se diffundant corpus.

20. Sed inter momentaneam spirituum per corpus humanum lationem, & celerem qualitatatum, continuitatis alteratione, diffusionē, hæc est differentia: quod spiritus in substantia sua de loco ad locum feruntur: qualitas a: prava, in certo loco principium diffusionis suæ accipiens, non quidē cum substantia & materia aliqua, per continuitatem spargitur: sed duntaxat per alterationem, quæ videl. proxima quævis, ab initio sibi & vicina afficit. Quemadmodum umbram à corpore in aërem spargi & distribui videmus: ubi tamen umbra nihil in aërem, per quem, transit, agit: sed qualitas illa sibi vicinā in subiecto corpore qualitatem immutat: & hæc itidem proximam, usq; dum vndequaq; diffusa sit illa qualitas.

21. Quàm etiam, teter vapor spiritusve, deprauatos membrorum ciere motus solet, si in origines subeat Nervorum & spinalem medullam: tam hoc præstare potest, sola & nuda qualitas, substantiæ Nervorum & Spirituum infesta: siquid & hæc, per Nervos in Musculos diffundatur. Excitare namq; ea, languentes & sopitos quasi in Musculis spiritus potest, ut Musculos conuellat: non aliter, atq; appetibiliū rerū species, spiritus impellunt. Et quò quidem major est violentia talis qualitatis, quàm naturalium impressiōum appetitus: tantò quoq; naturali & voluntario, violentior excitatur motus.

De Epilepsia,

22. Imò: praua illa & aliena qualitas, vel ratione, quæ dolorifica est, flatus spiritusq; ciet: cum doloris comes sit affluxus, autorib. Medicis: vel aliàs crudos halitus vapores q; in partibus. delitescentes, transitu suo exagitat, & ad Neros & ad Musculos secum quasi rapiendo defert & accersit: Vbi tunc conuulsiones, Palmos, aliosq; p. n. motus excitare solent.

23. Proxima, immediata, adeoq; continens Epilepsie causa, quam statuimus, nimir. prauus & teter spiritus flatusue; aut aliena & maligna qualitas, ita se habet: ut aliàs solitaria subsistere, aliàs verò componi queat. Nihil .n. prohibet, duo illa, quæ cum contraria non sint, quandoq; conjungi & copulari, quò grauiorem affectum concitari contingit postmodum. Et qua ratione, utrâq; causa, vel simplici vel composita, possibile sit ac *ἀνατόν*, Epileptica oboriri accidentia, hæcenus ostendimus.

24. Porro, ut Epilepsie coniunctam, quam modò assignauimus, causam, comprobemus etiam certis *παρὰ νομήν*, quorum rationes ex illa depromi & peti possint: agè, huius *παρὰ νομήν* & symptomatis pathognomonici, gratia cuius, is, qui Epilepsia laborat, neq; videt, neq; audit, neq; villo sensu quidquam percipit: ac ne consequi quidem potest, quid factum sit; sed cum Memoria viribus, Mens quoq;, & Intellectus læditur: huius, inquam, ratio est, quòd prauus ille vapor aut aliena qualitas, vno aliquo ex supra commemoratis modis, spiritus Animales labefactat. Quod confirmant alia Symptomata, quib. Epilepsia ab Apoplexia distinguitur: cum in primo, aliàs ambo affectus conueniant.

25. Nam alterum Symptoma Epilepsie est: quod cessant & desinunt motiones voluntariæ membrorum. Quoniam principium motionis, est Voluntas, & Appetitus, qui sine Sensu communi, qui hic jacet, nullo modo mouere solent: Et hinc accidit, quòd Epileptici subito concidunt & collabuntur, nec erecti stare permanereq; possunt. Quoniam

nimir

nimir. poſtrato Appetitu, & Voluntate, actio e: ἐνέργεια Muſculorum tonica, qua erectum ſeruamus vel totum corpus, vel certum aliquod membrum, pro noſtro libitu: ſtatim ſoluitur, ceſſat & deſinit. Vnde ſic protinus homo concidit & proſternitur.

26. Eſt hoc Symptōma, etiam commune ipſi Apoplexiæ, ut in qua etiam voluntarij membrorū motus abolentur: & ſic ἐνέργεια quoq; tonica. Sed in Apoplexia, hoc fit propter reſolutionem Muſculorum (cum Apoplexia, dicatur eſſe reſolutio omnium corporis partium) & cauſam aliquam priuatiuam, qua ſc: motus impreſſionesq; ſpecierum nō recipiuntur. In Epilepſia .a. poſitiuè accidit, nempe, propter Mentis, & Appetitus abolitionem, quæ á prauo illo vapore, & maligna qualitate dependet.

27. Tertium ſymptōma, & ipſum Epilepſiæ cum Apoplexia commune, eſt: quod utrobique anhelitus impeditur, & difficilis eſt reſpiratio. Nam cū hæc perficiatur, opera Diaphragmatis, & Muſculorum pectoralium, qui vim ſuam à Cerebro, & Spinali medula, per Neros accipiunt: hi verò in Apoplexia ſint reſoluti, utiq; ἑνλόγως, pectus mouere nequeunt. In Epilepſia .a. quia ſtupidum eſt Cerebrum, ſimiliter Muſculi agere & mouere non poſſunt: quò accidit, ratione ambarum cauſarum, in utroq; affectu lēdi & impediri reſpirationem.

28. Veruntamen, non prorsus aboletur in Apoplexia, ſed impeditur duntaxat & difficilis redditur. Quoniam metu periculi ſuffocationis, & ſumma neceſſitate euentationis caloris in Corde, exſtimulantur Muſculi illi pectorales; ut, quantumuis reliquorum Muſculorum motu in Apoplexia ſublato, nihilominus tamen ſoli hi Muſculi agant, qui reſpirationis ſunt opifices: atq; ſic cum reſpiratione, vita ipſa conſeruetur.

29. Habent namq; Muſculi, ſuos etiam congenitos ſpiritus, qui ad motum excitari queunt, tali vrgente neceſſitate,

De Epilepsia.

etiamsi Cerebrum sit stupidum, (ut in Epilepsia accidit.) aut aliàs Spinalis medulla obstructa, & ob id motio iussus q̃ Appetitus deferri ad eos non possit. Et aliàs ipsa respiratio mixtum quasi est opus: partim ab animali facultate, partim naturali, necessitate urgentis causæ, excitatum.

30. Quartum symptôma, Epilepsiæ proprium, est spuma. Quæ propterà ob impeditam spiratioẽ circa os apparet: quoniam cum molestia excluditur & eliditur àer: (qui aliàs naturali spiratione liber exhibat.) hic si cum extenuata saliva miscetur, circa os spumam constituit. Quomodo .n. spumæ generatio conficiatur, ex mixtione duarum substantiarũ, altera spirituosæ, altera humidæ, ambabus in multas partes fractis, multisq̃, mutuo complexu, parvis ampullis ab ipsis effectis, docet Gal. lib. 2. aph. 43.

31. Sanè difficilis est etiam, & impedita respiratio in Apoplexia, atq̃ ob id, in ea etiam violenter spiritus excernitur. sed spuma nulla circa os apparet, quoniam saliva non est extenuata. non .au. extenuata est, quia in Apoplexia nullus est motus convulsorius, quo extenuaretur: sicuti tales tamẽ multifariam in Epilepsia sese ostendunt. Vt ex seqq. patebit.

32. Quintum, & proprium quoq̃ Epilepsiæ Symptôma, quo ab Apoplexia etiam distinguitur, est convulsio, quæ varijs partibus accidit, & variorum symptomatum efficitur causa, Sic nanq̃ convulsorio illo musculorum masticatoriorum motu, sic oris saliva interdum extenuatur, ut mixta postmodum ea, cum violenter excluso àere spiratuq̃, spumã circa os constituat. Dentes quoq̃ strident, quoniam Musculi in temporib. & maxillis, convulsorio motu commoventur. adhuc lingua sæpe extra os exerunt Epileptici, & nisi prohibeantur, mordent: ob illorũ & linguæ musculorum convulsionẽ.

33. Quod verò in Epilepsia, sic convulsionib. quibusdam jactentur membra, causæ sunt hæ duę. Prima est, quod propter impeditum anhelitũ (Cujus impeditionis causas ante-

tea

reà attulimus) multum periclitante vita, atq; urgente necessitate extrema, extremos suos conatus nervi motorij exercent, etiam convellendo membra. Quemadmodum videmus, quomodo aliàs à Voluntate nostra extremè jactemus & agitemus membra, si suffocationis imminet periculum extrinsecus: ut ilud declinemus & amoliamur, & quoad ejus fieri potest, quam celerrimè removeamus.

34. Etenim Nervis, & Musculis naturaliter aliàs inest, ut ad suam originem contrahantur. Quod etiam fit interdum, etiam si Appetitus non jusserit movere. Sicuti hoc apparet in Epilepsia: ubi propter stuporem Cerebri, Appetitus nō movet membra: sed duntaxat violentia quædam, & externa, Nervos & Musculos afficiens causa, nempe respirationis & caloris nativi euentationis, metu periculi suffocationis, inducta necessitas..

35. Stupente verò etiam Cerebro, nihilominus in Nervis & Musculis, facultatem inesse motricem, vel somnus ipse naturalis declarat. Quoniam videmus, quosdam inter dormiendū loqui: & nonnunquam jactatione membrorum esse inquietos: imò non nullos phantasij excitos, è lecto surgentes noctu ambulare dormientes. sicuti de se ipso hoc testatur Gal. in lib. d. mot. Musc. Vnde manifestum est: sopito Cerebro, Spiritum nihilominus animale, & motricem, in Nervis & Musculis inclusam vim contineri, qua, sopito etiam Cerebro, membra mobilia existant: & actum etiam mobilitatis adipiscuntur: si cor affligatur suppressione anhelitus.

36. Quando igitur quæri solet: quam ob causam, impedito anhelitu, & nonnunquam etiam valde & periculose suppresso, urgente maxima periculi necessitate, nihilominus nullis convulsionibus jactentur membra, nullisq; spasmodicis contorqueantur in Apoplexia: sed in Epilepsia, ejusmodi propemodum symptomatibus existentibus, convulsorij motibus nihilominus jactentur & agitentur membra: nul-

nam certè aliam causam afferre possumus: quàm, quod in Apoplexia obstructione crassorum humorum, non modò Cerebrum ipsum sit affectum: sed propter obstructionem, Nerui quoq; torpent, vnde spiritus in Nervis & Musculis nò excitantur, vt membra reliqua moueant aut convellant: tantùm Musculi pectorales, necessitate extrema ventilationis caloris Cordis, mouentur.

37. Sed in Epilepsia, nulla est obstructio meatuum, neq; Nerui torpent: & propterea, non solum musculi pectorales mouentur, stimulatì necessitate, qua Cor affligitur propter suppressionem anhelitus: sed etiam reliqua membra, convelluntur his per intervalla iactationibus inquit etis. Si quidem etiam horum Nerui & Musculi, ceu non torpentes, necessitate illa, & violentia, ad motum excitantur.

38. Et quanquam nullus sine sensu, motus localis in animatis partibus esse possit: tamen hic sensus aliquando conjunctus est cum principali facultate, quæ in Cerebro est: aliàs. a. est indefinita, & propter Nervos duntaxat, extrema colluctatione vitæ & Animæ, cum mortiferis causis agentibus, exercetur. Qualis motus est in moribundis interdum animalibus: vt non nulla etiam capite amputato, contrahant & porrigant membra. Hujus motus principium, duntaxat est in Nervis, quoad à spinali medulla, tantum ampliore fòte accipiunt vigorem mouendi: quæ pro Cerebro ipsis quodamodò est: sed non nisi breui tempore, motuum hac facultate duratura: ut quæ sine Cerebro, principium motionis sufficiens esse nequeat. Cum, quemadmodum nerui propagati ex medulla dorsi, motum suum accipiunt à medulla hac: ita medulla ipsa à Cerebro vim motricem sortiatur.

34. Consimiles, etiam in facultatib. naturalibus, & vitalibus, motus quosdam coactos & violentos esse experimur in Crisibus, (quibus naturales motus oppositos esse constat: vt his involuntarijs, voluntarios.) quos ostendunt nobis

nobis Symptomata Critica: quorum alia signa tantum sunt: alia verò causæ simul & signa: Crisium item ipsarum anticipationes: & alia quædam, quorum in Hippocraticis: libris passim fit mentio.

40. Altera proinde conuulsiuorum in Epilepsia motuū causa, est malignus quidam & teter vapor, vel certè qualitas infesta & aliena, in origines Neruorum subito penetrans (quæ duo, supra pro causa conjuncta morbi huius Epileptici assignauimus scilicet:) Cum vtrumq; horum Cerebri *epileptias* prosterne, & vel suapte Natura, vel continuitatis alteratione quoquo versum diffundi, & sic diuersarum partium, addo etiam dissitarum, conuulsiones excitare queat.

41. Et vapor quidem vel ventositas, si causa illa fuerit: non aliter, contrahendo Musculorum fibras, mouere potest membra, atq; si ipse animalis spiritus, vel appetitu, vel alijs causis externis & violentis pulsus motusq;, ipsos moueret: nisi quod indefinite & non unquam in non naturalem figuram membrum peruertat & inflectat: quod ipsi propriè est Spasmus scilicet. Cum aliàs Animalis spiritus definite moueat, neq; extremam figuram naturalem membrum ipsum egredi ferè faciat: nisi summa quædam, vt modò diximus, vrgeat necessitas.

42. Qualitas .a. aliena, & Spirituum animalium substantiæ inimica, si Epilepticas conuulsiones excitat: utiq; ea ipsum Spiritum animale, quem in Nervis naturam (absq; recete & assiduo ex Cerebro per nervos & Musculos ejus influxu.) contineri, paulo supra diximus: impellit & movet, non aliter, atq; se. .n. hic à speciebus rerum expetendarum, aut fugiendarum, mediante frigore, calore, & alijs qualitatibus. vt Arist. in lib. d. motu Anim. docet, pelli & moveri solet: nisi quod, pro violentia sua, magis p. n. moveat.

43. Sive .a. vapor, siue qualitas fuerit conjuncta huius mali causa: accidit certè in Epilepticis: aliàs motus similes voluntarijs, aliàs .a. veros Spasmos excitari: pro alterutrius causæ efficacia, vel violentia potius. Cum vtraq; sigillatim

gradus suos & latitudinem habeant: unde varietas quoque illorum convulsiuorum motuum, cum formæ, quantitatis, qualitatis, & aliorum accidentium gratia resultat & exoritur,

44. Quàm porrò, geminæ illæ Epilepsiam facientes conjunctæ causæ, quas supra descripsimus, conjungi quandoque & copulari possunt: ita quoque ambæ Convulsionis causæ, antea etiam à nobis assignatæ, coincidunt & concurrunt: ut nimir. motorij Nervorum & Musculorū spiritus, necessitate urgente stimulatī, membra moveant & convellant: & hoc idem etiam faciat ipsa morbi hujus conjuncta causa, vapor qualitasque: & interdum æquale est robur ad movendum utriusque causæ convulsionis: interdum .a. vincit in movendo Animalis spiritus morbi causam. Sicuti è contra, hæc etiam non nunquam primas in movendo & convellendo membra, obtinet.

45. Hoc ipsum, qualitate respirationis distingui potest & debet. Quo. n. d. difficilior fuerit respiratio, eò magis excitulantur spiritus animales, ut moveant & convellant etiam membra: ut ijs laboranti Cordi suppetias quasi ferant. Quemadmodum videmus hoc etiam in ijs, quibus ob vincula extrinsecus collo injecta, suffocationis imminet periculum. Quò. a. minus impedita est respiratio, eò magis tales convulsorij Epilepticorum motus, ascribendi sunt robori & efficaciam, vel violentiam potius conjunctæ hujus Morbi causæ, quæ in Nervorū origines aut processus diffusa, multas & diversas corporis partes, convulsivè movet & agitat.

46. Atque conjunctam hanc Morbi comitialis causam, ritè à nob. descriptam esse, testantur etiam alia *φαινόμενα*, quorum rationes ex causa illa depromi & resolvi possunt. Veluti, quia vapores illi, non sunt crassi, sed *ὀμιχλώδεις* vel *ἀτμώδεις* spiritus, qualitas illa prava, in tenui raraque substantia intercepta: adeò motib. violentis membrorum & quasi

satione ipsa, nec non etiam calore naturali, & spiritibus, qui semper affluunt & opitulantur partib. laborantibus, brevi tempore discutiuntur, & consumptis dissipatisq; malignis illis vaporibus, aut qualitate, nulla Paralysis sequitur in membris post paroxysmum.

47. Veruntamen crebrò recurrunt, & tamdiu subinde repetuntur spasmi Epileptici, quo ad omnis humor prauus corruptusq;, ex quo elevari & suscitari sc. illa solent, ex toto absumptus exhaustusq; fuerit. Quemadmodum videmus, putridorum quoq; humorum in febrib. paroxysmos, tandiu continuari: quoad humor actu putrescens, & qui continens est paroxysmi cujusq; causa, ex toto computruit & conflagravit.

48. Sed in hoc distant, crebri reuertentes illi Epilepti-
corum spasmi, & Februm putridarum paroxysmi: quod hi certum ferè servant ordinem & periodum: illis .a. indistincta est invasio. Quoniam indefinitè flatus, qualitas uè excitatur: & aliàs quidem tardius, aliàs citiù redeunt illi palmi. Quoniam alia, atq; alia sui parte corruptus ille humor, materia aut subjectum sc. illorum, *ὁμοιομερής* est, aut *ἀνομοιομερής*. Qua de causa, Paroxysmi etiam febriù, aliàs anticipant aliàs verò postponunt.

49. Ex descripta à nob. causa, reddi etiam ratio potest: cur anhelitus impediatur, non tamen ita vehementer, ut in Apoplexia. Ratio nanq; & causa est, quod in Epilepsia vapor qualitas, uè maligna, vim Spiritib. animalib. inferunt: unde muscoli pectorales, nō sufficienter movent thoracem. Veruntamen minus impedita est respiratio: quia in Epilepsia nulla est obstructio, & spiritus motorij Nervorum nō torpent: quorum utrunq; cum fiat in Apoplexia: non mirum, in hoc maiorem esse respirationis & anhelitus difficultatem.

20. Subitò etiam, in Epilepsia Paroxysmi incidunt & celeriter desinunt: quoniam spirituum, & qualitatum expediti

ditiss. est penetratio & diffusio. Vnde de spiritib. scribit Gal. in lib. d: 4. mot. p. n: quod tam citò colligi & discuti rursus nihil possit, atq; spiritalis substantia: si eam nimir. non cum qualitatibus, (quarum nonnullas celerimè etiam diffundi, ex superiorib. liquet.) sed materiè: crassiorib. conferas & compares.

51. Assignari etiam ex dictis causa potest: cur Epilepsia ferè non desinat in Paralysem, ut Apoplexia. Quoniam huius quidem humor crassus & obstruens: illius. a spiritus, vel qualitas solùm efficiens est causa. Vnde hæc propter tenuitatem discuti facilè: ille .a. Naturæ vi expulsus, aliò procumbit. si tamen Epilepsiam etiam excipit paralyxis, ex accidente id fieri censendum: nempe ratione convulsivorum motuum, quib. quieti antea ad motum, extimulantur humores.

52. Ratio etiam inde reddi potest: cur alij Paroxyismi Epilepticorum durabiliore sint, alij breviores. Quoniam scilicet vapor ille, aut qualitas, multiplici est differentia crassitudinis, & tenuitatis. Iam quò crassior fuerit ille vapor: aut in crassiore substantia, aliena illa qualitas, eò diutius durat quoniam, non tam citò discuti & dissipari prædictis antea causis potest. quo. à. contra tenuior fuerit, eò facilius discutitur, & paroxysmus ipse Epilepticus solvitur.

53. Deniq; ratio etiam peti potest: cur in Apoplexia non sint paroxyismi. Quia simul & una vice, crassus humor Cerebrum replens, ejusq; portio, ex postremo ventriculo in spinalem medullam effunditur: vnde simul & semel existit Paraplegia, non repetita. Continua quoq; sensus, & motus abolitio est in Apoplexia. Quoniam in hac frigidus humor Cerebrum stupefaciens, continuus manet & quietus: ne modò absumitur, modò regeneratur, ut fit in Epilepsia ubi propter assiduam discussionem, & exortum vaporum aut qualitatis prævæ, non solùm spasmi redeunt & desinunt

sed etiam Mentis & sensus, adeoq; motus ἐνεργηται, & in
termisiones recurrunt & repetuntur.

54. Ad extremū, ex dictis assignari potest discrimen, inter
convulsorios motus alios, & eos, qui in Epilepsia accidunt.
Etenim convulsorij motus alij, sive ab inanitione fiant, sive à
repletione, non sunt sine sensu: cum in utrisq; acerbiss. do-
lores percipiant ægri: sed convulsionis Epilepticæ, sunt si-
ne sensu. Quoniam à causa morbi conjuncta, Spiritus ipsi
animales ita sunt labefactati: ut ἐνεργησῶν animalium instru-
mentum esse non possint. Præterea, reliqui spasmi, à reple-
tione & inantiōe causari possunt: sed Epileptici spasmi nō
fiunt ab inanitione: cum nequeat tam subito accidere talis
Cerebro inanitio, quā subito spasmi illi redeunt & desinūt.

55. Ut causas Antecedentes, quib. sc. ejusmodi teter &
malignus procreatur spiritus, aut aliena & infesta resultat
& emergit qualitas, ceu vera causa conjuncta hujus morbi
Epileptici, per spiciamus: supponendū prius, quædam certa
quibusdam partib. similitudine Crasæ familiaria esse, gra-
ta & jucunda: alia verò inimica, ingrata & molesta. Et quo-
modo, vt ex bono & utili humore, blandō suavisq; excitetur
vapor: è cōtra. a. ex pravo eex corrup. humore teter quoq;
atq; malignus resultet vapor, qualitasue: & tandē, ut prova-
rietate corrupti praviq; humoris, varias quoq; sit & diversō
teter malignusq; vapor, aut ejusdem nature qualitas, inde
promanans: tam notum est, quā constat: aliās ex simplici-
bus, vi & qualitate differentibus, diversas quoq; per destil-
lationem, aquas aut succos elici & exprimi.

56. Causæ hæ Antecedentes, sunt aliās ipsæ partes solidæ,
quæ vel à primo ortu, vel posterius ob pravam nutritionem,
ut alium qui ipsis accidit affectum, dyscrasia quadam labo-
rant: quæ sensim aucta in valescensq;, & ad certum termi-
um progressa jam, materiam, qua nutriri solet, contami-
nat & inquinat: vnde pravius ejusmodi excitatur vapor, vel
qualitas aliqua maligna: quæ pro occasione, tum interna

tum, tum externarum causarū, in subiecto corpore calente, quoquo versum diffunditur: & aliās ad has, aliās ad partes alias, & sic ad Cerebrum quoq; pro ejus habilitate & dispositine, vergit & elevatur: actum Epilepticorum symptomatum fit causa.

57. Interdum a: & sæpius, antecedens Epilepsiæ causa, quæ postea conjunctam, quam in superiorib. descripsimus, de se propagat, sunt certi humores corrupti. Qui sunt vel in vasis: venis, puta, & arterijs: vel extra ea, in certis partibus subsistunt: vt, semen in intestibus: sanguis menstruus in utero: lumbrici & vermes in intestinis: corrupti cibi in ventriculo: aut putridæ alvi fæces, diutius retentæ & suppressæ. Quod idem de alijs, in certis partium cavitatibus per se contentis: vt, urinx in vesica fellea, & cæteris, intelligi volumus.

58. Quod ad humores a: in venis contentos attinet: summi illorum vt utilium, ita quoq; corruptorum quatuor omnino diffentiæ: nempe, vel corruptus sanguis, vel pituita vel bilis flaua, vel atra. Ex horum vnoquoq; , sigillatim teter & malignus evocari vapor, aut certè qualitas aliena consistere potest. Et quamquam singulorum, quatuor iam nominatorum humorum, definitæ sint corruptiones quædam: tamen magna est cujusq; corruptionis latitudo. Unde innumeræ quasi corruptionum species exoriuntur, quæ materiam etiā diversis malignisq; qualitatibus præbent: quæ postea causæ existunt, ut aliorū grauissimorum affectuum sic magnæ etiam symptomatum, quæ in Epilepticis apparent, varietatis & discrepantiæ.

59. In primis .a. pituita & Melancholicus humor, habiles sunt & idonei, crudis illis spiritibus generandis, & alienis qualitatibus ciendis: Nam ex pituita, ceu humore frigido, diffundi frigida qualitas facile potest. sicuti ex eadem etiam pituita, promptè generantur vapores turbidi & crudi: quia pituita aliās est ventosa, & debili calore generatur

tur flatus ex pituita : qui non tantum aliquo supra expo-
sitorum modorum, afficiunt Cerebrum, sine obstructione:
sed tenuitate sua quoque penetrant ad spinę medullam, & ad
origines Nervorum: quibus affectis, ab inquietis vaporibus
istis, aut qualitatibus, necesse est spasmodicos motus exci-
tari.

60. Excitantur & exhalant etiam, ex humore melancholico,
vapores aut qualitates. Quibus alias Cerebrum afficitur
non Epilepsia, sed dementia quadam: ut fit in paroxysmis
melancholicis. Et non raro somnia quoque anxia & melancholica,
propter Spiritus, aut qualitates ejusmodi, dormientibus
eueniunt. Veruntamen alias ex eo etiam generati pravi vapores,
aut excitata aliena qualitates, cum per Cerebri corpus
diffunduntur, non mediocri dyscrasia frigida ipsum
Cerebrum alterant, ac stuporem Epilepticum conciliant
agrotanti: & extra etiam ad origines Nervorum, & ad ipsam
spinę medullam diffusę ac penetrantes, implent & vellicant
Nervorum origines. atque sic motuum spasmodicorum efficiuntur
causę.

61. Cæterum illi humores, (quos pro causa antecedente
assignauimus sc.) alias in venis alicujus partis delitescen-
tes, obruto eorum calore cum putrescunt & corrumpuntur.
Sicuti de semine, & sanguine menstruo scribit Galenus:
quod tantam interdum recipiant *διαφθοράν*, ut veneni
alicujus sint instar. interdum .a. crudi humores, *ἀνασσεύοντες*
quadam resoluti in *εἴδη* suos, extra vasa exsudan-
tes, putrescere & corrumpi incipiunt. Utroque modo
materia fiunt prauorum & malignorum vaporum ac flatuum,
aut certe subjectum alienarum & vitiosarum qualita-
rum: quę inde diffusionis suę principio sumpto, aliorum
& quidem ad Cerebrum interdum perveniunt: ubi tunc
Epileptica symptomata inducunt.

62. Quomodo .a. in venis, vel extra eas profusi humores,
sigillatim certo modo corrumpi aut putrescere possint:

vitia, non hæreditaria: primitus perverso, sex rerum n. nat. usu adquiruntur in partib. solidis. Qua ratione Podagricos, Colicos & Nephriticos conspiciamus: quorum tamen patres & Majores, ejusmodi affectib. obnoxij non fuerunt.

71. Rectè. a, ipsis humoribus, primum quandoq; corruptionis principiū ascribi: probari licet ex ijs Epilepsijs per consensum: quæ à vermibus, fæcib. alui retentis, aut aliâs ex corruptis, in venticulo, cibis, derepente sanis non nunquam hominibus exoriuntur. Vbi certè causam rejicere non possumus, in dyscrasiam aliquam illius partis: cum subito istæ, & per hypothesein sanis hominib. contingant. Sed materiæ ipsæ tales sunt: vt vel actu corruptæ existant: vel certè ad corrumpendum proclives & habiles.

72. Consideratio huius primi principij, in Praxi, & curatione summopere est utilis & necessaria. Si nanq; cognoverimus, principiū illius corruptionis, primò fuisse in humoribus: tum, concoctionum σφάλαττα primò emendabimus: inde ad alterationem, & evacuationem semicorruptorum illorum humorum, antequam plenè corrupti, Epilepticis paroxysmis fomenta subministrant, pervenimus. Si. a, ex vitio solidæ alicujus partis, aut visceris, principium corruptionis dependere animadverterimus: tunc sola humoris alteratio, aut vacuatio non sufficiet: sed insuper partem illam solidam, convenientib. auxilijs, roborare, & ad meliorem statum reducere conabimur: ne sic deinceps affluentes corrumpat afficiatq; succos.

73. Summa proinde Curationis morbi Epileptici, in eo consistit: ut cognita corruptionis humoris specie: vel per spectata forma acidæ, morbidæ partis διαθεσεως, talia perscrutemur & inveniamus remedia: quæ vel corruptionem illam tollere & inhibere: vel partis dyscrasiam (si inde est Epilepsiæ origo.) conveniente contrariorem usu, corrigere & emendare possunt. Quò omnes præsidiorum materiæ, tū Diæteticæ, tum Pharmaceuticæ, tū Chirurgicæ faciunt.

FINIS.

Non corect.